

*Pökkum lesendum okkar samfylgdina
á liðnu ári með ósk um gleðilegt nýtt ár
og farsæld á nýju ári*

Hringbrautarverkefnið staða framkvæmda og fréttir af verkefninu

- **Samningsundirskrift við Eykt vegna uppsteypu á nýju bjóðarsjúkrahúsi**
- **EFLA verkfræðistofa undirbýr verkeftirlit vegna uppsteypuverkefnisins**
- **Vinna við uppsetningu gámabyggðar á vinnubúðareit gengur vel**
- **Uppsetning aðgangshliða á vinnubúðareit**
- **Niðurstaða örútboðs vegna húsgagna fyrir mötuneyti á vinnubúðareit**
- **Útsýnisgler yfir framkvæmdasvæði**
- **Sorp og lín kerfi í nýjum spítala – útboð stendur yfir**
- **Framkvæmdir sunnan og vestan við Eirberg**
- **Framkvæmdir við bílastæði á lóð Landspítala við Kringlu**

Samningsundirskrift við Eykt vegna uppsteypu á nýju þjóðarsjúkrahúsi



Frá undirritun samnings f.v Páll Matthíasson forstjóri Landspítala. Gunnar Svavarsson framkvæmdastjóri NLSH, Ásta Valdimarsdóttir ráðuneytisstjóri í heilbrigðisráðuneyti, Páll Daníel Sigurðsson framkvæmdastjóri Eyktar ehf og Unnur Brá Konráðsdóttir formaður stýrihóps um skipulag framkvæmda við Landspítala

Í vikunni var undirritaður samningur við Eykt ehf um uppsteypu á nýju þjóðarsjúkrahúsi. Samninginn undirrituðu Ásta Valdimarsdóttir fyrir hönd heilbrigðisráðherra, Gunnar Svavarsson framkvæmdastjóri NLSH og Páll Daníel Sigurðsson framkvæmdastjóri Eyktar.

Gunnar Svavarsson, framkvæmdastjóri NLSH ohf:

„Starfsmenn Eyktar og NLSH hafa á undanförnum vikum verið að undirbúa verkið á fullri ferð og því má segja að undirskriftin hér í dag sé stór áfangi í þeiri vinnu. Verktakinn mun koma vel mannaður á nýju ári á verksvæðið og um leið hafa verið gerðir fjölmargir samningar vegna tæknilegra þátta, verkeftirlits, vinnubúða, öryggis- og aðgangsmála en einnig við danska áætlunargerðafyrirtækið Exigo. Það verður spennandi fyrir verktaka- og verkaupamarkaðinn að sjá framþróun þess í stórum verkum. Hér er einstakt tækifæri fyrir íslenskan byggingariðnað að taka skrefin fram á við og gera enn betur. Mörg önnur stór verkefni eru í farvatninu svo sem bílakjallari, bílastæða- og tæknihús og jarðvinna fyrir rannsóknahúsið. Þetta eru allt stór útboðsverk á leið í loftið og bíða starfsmenn NLSH þeirra með eftirvæntingu á nýju ári.“ segir Gunnar.

Helstu verkefni Eyktar eru að steypa upp undirstöður og two kjallara byggingarinnar ásamt því að sjá um alla aðstöðusköpun á framkvæmdasvæðinu. Burðarvirki þess hluta byggingarinnar eru veggir, súlur, eftirspenntar plötur, auk botnplötu og undirstaðna. Þá sér Eykt um að steypa upp efri hluta byggingarinnar, þ.e. hæðir 1 – 6. Burðarvirki efri hluta byggingarinnar er í meginatriðum rammar, súlur og eftirspenntar plötur. Einig verður ráðist í að steypa tengiganga af hálfu Eyktar, leggja lagnir og smíða stálvirki við lyftukjarna byggingarinnar. Umfangið er mikið en mótafletir eru áætlaðir um 220.000 m² og steypan nær 60.000 m³ þegar allt er til talið. Áætlað er að bendistálið sé um 12 þúsund tonn en meðferðarkjarninn er um 70.000 m² eða um 320.000 m³ með tengigöngum í verkinu. Við hlið meðferðarkjarnans verður síðan reistur tveggja hæða bílakjallari sem er um 7.000 m².

Efla verkfræðistofa undirbýr verkeftirlit vegna uppsteypuverkefnisins


Sá þáttur er snýr að verkeftirliti og að rekstri, The Engineer sbr. Fidic samningsskilmála, í tengslum við uppsteypu á meðferðarkjarna er í höndum EFLU verkfræðistofu. Nú stendur yfir undirbúningur að uppsteypunni sem felst í mörgum þáttum.

„Vinna okkar þessa daga felst aðallega í rýni ýmissa gagna frá verktökum sem ákvæði eru um í samningi að verkkaupi samþykki áður en vinna getur hafist. Þar erum við að tala um málefni er varða öryggis-, heilbrigðis- og umhverfismál. Það eru margir sem koma að þessarri vinnu svo tryggt verði að upphafið verði með þeim hætti sem ætlast er til. Viðtökuúttekt er lokið og úttekt á ástandi og aðstæðum þeirra svæða sem verktakinn hefur til að athafna sig og byggja á. Auk þess höfum við verið að ganga frá skráningarárvinnu á þeim verkefnavefjum sem notaðir verða í samskiptum verkkaupa, verktaka og verkeftirlits og undirbúa okkur að verkið fari vel af stað“, segir Kristinn Baldursson hjá EFLU.

Vinna við uppsetningu gámabyggðar á vinnubúðareit gengur vel



Búið er reisa hús í síðari áfanga þar sem verður fata – og salernisaðstaða



Unnið er við undirbúning til að koma upp mótneytisaðstöðu




Eykt uppsteypuverktakinn hefur komið upp vinnuaðstöðu á framkvæmdasvæðinu

Vinna við uppsetningu húsa á vinnubúðareit gengur vel og verið er að undirbúa mótuneytisaðstöðu þar sem er unnið við innanhúsfrágang. Einnig er búið að reisa gáma sem tilheyra efri byggð sem er síðari áfangi verksins.

„Unnið hefur við síðustu daga í innivinnu hér í mótuneytinu. Búið er að dúkleggja og að sparsla í gólf við vinnu í innveggjum. Einnig er búið að reisa efri byggginguna og þá eru öll húsin komin niður sem tilheyra þessum vinnubúðaafanga. Það er salernis - og fataaðstaða og inngangurinn fyrir mótuneytið. Nú er verið að hanna tengibygginguna á milli svo að hægt sé að tengja húsin saman. Síðan í lokin verða sett upp vakthús við aðgangshliðin til að það sé hægt að virkja aðgangsstýringu að svæðinu segir Magnús Magnússon byggingastjóri verksins hjá Terra einingum.

Stefnt er að því að uppsetningu og frágangi húseininganna ljúki um áramótin.
(Sjá nr. 1 á korti)

Upsetning aðgangshliða á vinnubúðareit



Unnið er við uppsetningu á aðgangshliði að austanverðu á vinnubúðareit

Vinna gengur vel við uppsetningu á aðgangshliðum á vinnubúðareit og áætlað er að þeirri vinnu ljúki um áramótin.

Steinar Þór Bachmann verkefnastjóri hjá NLSH:

„Það er búið að setja upp öll hlið austan og sunnan megin á framkvæmdasvæðinu. Áfram er unnið að uppsetningu og tengingum þeirra við aðgangsstýrikerfið og við aflfæðingu. Virk aðgangsstýring verður inn á framkvæmdasvæðið sem er mikilvægur öryggispáttur. Fljótlega verður síðan farið í uppsetningu á hliðum vestan megin en verið er að leggja lokahönd á vinnuna í kringum hliðin sem er umfangsmikil og snýr að mörgum tæknipáttum”, segir Steinar.

Niðurstaða örútboðs vegna húsgagna fyrir mötuneyti á vinnubúðareit



Sett verður upp mötuneyti með tilheyrandi húsbúnaði

Nú liggur fyrir niðurstaða í örútboði á vegum Nýs Landspítala vegna kaupa á húsgögnum, borðum og stólum, í mötuneyti fyrir verktaka sem eiga eftir að vera með vinnuaðstöðu á framkvæmdasvæði við nýjan Landspítala.

Betta útboð er innan rammasamnings *Ríkiskaupa nr. 04 01* um húsgögn, flokkur 3 Biðstofu-, kaffistofu- og mötuneytishúsgögn.

14 tilboð bárust frá sex bjóðendum Axis, Á Guðmundssyni, Bender, Hirzlunni, Pennanum og Sýrussyni.

Öll tilboð og fylgigögn hafa verið yfirfarin og fylgigögn með tilboðum.

Með tilvísun til yfirferðar NLSH ohf. á tilboðsgögnum um val á bjóðanda, sbr. matslikan í útboðsskilmálum, var ákveðið að taka tilboði frá Sýrusson.

Útsýnisgler yfir framkvæmdasvæði við nýjan Landspítala




Gott útsýni er yfir framkvæmdasvæðið sunnan við Kringlu Landspítala

Sett hefur verið upp útsýnisgler, þaðan sem sést yfir grunn við nýjan Landspítala, þar sem uppsteypa á meðferðarkjarna hefst fljóttlega á nýju ári.
Glerið er staðsett á framkvæmdagirðingu sunnan við Kringlu við Landspítala Hringbraut.
Vörðufell byggingaverktakar sá um framkvæmdina.

(Sjá nr. 2 á korti)

Sorp og lín kerfi í nýjum meðferðarkjarna – útboð stendur yfir



Yfirlitsmynd, sorp og lín verður flutt í lokuðu rörakerfi í nýjum meðferðarkjarna

Nú stendur yfir annar hluti samkeppnisútboðs á vegum Ríkiskaupa á sorp og lín kerfi fyrir nýjan Landspítala. Þar munu bjóðendur, sem stóðust fyrsta hluta útboðsins, bjóða í lausnir og setja fram verðtilboð í þann þátt.

Sorp og lín kerfi samanstendur af mjög fullkomnu kerfi hvað varðar skipulag á sorpi og líni. Ingólfur Þórisson, verkefnastjóri hjá NLSH:

„Þetta er sjálfvirk kerfi sem flytur sorp og óreint lín frá deildum til endastöðvar þar sem því verður safnað saman í góma og grindur. Þrjár tegundir af sorpi verðar fluttar og flokkaðar í endastöðinni. Það er almennt sorp, pappi og plast. Endastöðin verður í nýbyggingu sem verður nálægt innkeyrslu á lóð spítalans við Eiríksgötu. Með þessu móti verður þetta sorp og óreint lín ekki flutt eftir göngum nýbygginganna heldur verður það flutt í lokuðu rörakerfi. Það er mikil bót fyrir umhverfið á spítalanum að losna við þessa flutninga af göngum spítalans“, segir Ingólfur.

(Sjá nr. 2 á korti)

Framkvæmdir sunnan og vestan við Eirberg



Styttist í verklok við hellulagningu og uppsetningu handriða vestan við Eirberg

Einungis er eftir að ganga frá minniháttar frágangi við hellulagningu og uppsetningu handriða vestan við Eirberg.
(Sjá nr. 3 á korti)

Framkvæmdir við bílastæði á lóð Landspítala við Kringlu



Búið er að helluleggja og að ganga frá handriðum




Unnið er við að laga gönguleiðina sunnan við gamla spítala

Búið er að helluleggja og að ganga frá handriðum við bílastæðið sunnan við Kringlu. Nú er unnið við að laga gönguleiðina sunnan við gamla spítala.
(Sjá nr. 4 á korti)

Skýringarmynd

Yfirlitsmynd af svæðinu sem sýnir framkvæmdasvæði nýs Landspítala og gönguleiðir



Nánari upplýsingar.

Allar upplýsingar um framkvæmdina verða birtar á upplýsingasíðum NLSH, Landspítala og Háskóla Íslands og annarra hagsmunaaðila eftir því sem verða vill. Einnig mun upplýsingum verða reglulega komið á framfæri í fjölmöulum ef miklar breytingar verða á umferðarfyrirkomulagi.

Nánari tæknilegar- og verkframkvæmdaupplýsingar veita:

Ásbjörn Jónsson verkefnastjóri NLSH, 841 7050 eða netfangið asbjorn@nlsh.is

Aðrar almennar upplýsingar veitir Magnús Heimisson samskiptastjóri NLSH, 866 1378 eða magnus@nlsh.is

Sértækjar upplýsingar veitir af hálfu Landspítala Stefán Hrafn Hagalín 897 3644 stefanh@landspitali.is og frá Háskóla Íslands Björn Gíslason 896 0876 bgisla@hi.is